



19. august 2010

Inatsisartut Suleriaasianni § 36 imm. 2³ naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut arnaqatiminnik atoqateqartartut meerartaarniarlutik ikkussivigitittarnerat pillugu:

1. **Naalakkersuisut sumut killippat “Arnaqatiminnik atoqateqartartut, arnatulli nalinginnaasumik naartulersinnaanngitsutut, meerartaarniarlutik ikkussivititalernissaannut peqqussutit allangortinniarlugit Naalakkersuisut peqquneqarnissaannik Inatsisartut aalajangiiffigisassaattut siunnersuutaat atulersinniarlugu”?**
2. **Arnaqatiminnik atoqateqartartut ullumikkut IVF atorlugu suliarineqarsinnaappat?**
3. **Angajoqqaat pillugu inatsit naleqqussarneqarpat, arnaannaat marluk suaassuseqatiginngisaminnik aappaqartutulli erninermut atatillugu sulinngiffeqartalernissaat anguniarlugu?**

(Inatsisartunut ilaasortaq Astrid Fleischer Rex Demokraterne)

Tungavilersuut:

Arnaqatiminnik atoqateqartartorpassuarnut pissusissamisoortumik kissaatigisarpat anaananngornissaq taakkuli suaassuseqatiginngisaminnik aappaqartutulli ikkussivigitillutik naartulersinnaatitaanngimmata, Demokraatini isumaqarpugut, pingaaruteqartoq, arnaqatiminnik atoqateqartartut suaassuseqatiginngisaminnik aappaqartutulli periarfissaqalernissaat.

UKA 2006-mi Inatsisartut ataatsimiinnissaannut Olga P. Berthelsenip qulaani allaqqasoq siunnersuut siunnersuutigaa, taannalu akuerineqarpoq UKA2007-mi Inatsisartut ataatsimiimmata. Qulaani taaneqartoq siunnersuut UKA2007-mili akuerineqareermat, taamaattumik paaserusuppapara, arnaqatiminnik atoqateqartartut ikkussivigitillutik naartulersinnaanissaannut inatsisitigut aporfii allangortinniarlugit Naalakkersuisut sumut killissimanersut.



DEMOKRAATIT
DEMOKRATERNE

Demokraatini isumaqarpugut, arnat kikkulluunniit tamarmik ikkussivigitillutik naartulernissaminnut periarfissinneqartariaqartut, arnat tamarmik assigiimmik periarfissaqartariaqarmata arnaqatiminnik suaassuseqatiginngisaminnilluunniit aappaqaralarunik.

Apeqqut akeqquneqarpoq ullut nalignnaasumik suliffiusut qulit iluanni.